

CODE 9



PONUĐA SISTEMA ZA POTREBE ORGANIZIRANJA ŠAHOVSKIH TURNIRA



Poštovani,

svjedoci smo rapidnog tehnološkog razvitka, te sveprisutne digitalizacije u svim sferama života. Sada više nego ikada imamo priliku da vidimo koliko automatizacija svakodnevnih radnih aktivnosti olakšava i ubrzava iste. Potreba za infomatizacijom podataka vezanih za sportska takmičenja raste sa opsegom i kompleksnošću takmičenja, pogotovo ako se radi o važnim i uglednim turnirima, u kojima se kontrola nad procesima rada ne bi smjela prepustiti isključivo ljudskom faktoru.

Nepostojanje automatiziranog sistema za praćenje i evidenciju nosi sa sobom prijetnje i potencijalne probleme, u vidu raznih vrsta manipulacija i zloupotreba, te mnogobrojne greške koje se mogu javiti usljed prisustva ljudske nemarnosti ili nedovoljne pažnje i posvećenosti. Svjesni smo da je spora i mukotrpa ručna obrada podataka, koja je uz to podložna greškama, dovoljna motivacija da se turnirima omogući podrška u vidu sistema koji će riješiti sve navedene probleme.

Stoga, ako želite da obezbijedite sistem koji neće prekoračiti planirani IT budžet, koji pruža podršku Vašim potrebama i obezbjeđuje kvalitet raspoloživih podataka i sve to na odgovarajućem nivou, sa zadovoljstvom Vam možemo saopćiti da je onda došlo vrijeme da se upoznate sa uslugama developerskog tima jedne mlade, perspektivne i vizionarske softverske kompanije **CODE 9**.

Naša misija: Vaše povjerenje – naš podsticaj!

Naša vizija: Uz praćenje najsavremenijih tehnologija i IT rješenja postati kompanija podesiva za najrazličitije djelatnosti koristeći efikasnost i kreativnost kao ključne faktore uspjeha.

Za razliku od većine, čak i najvećih „globalnih“ informacionih sistema koji zahtjevaju da se njima prilagođava projekat, u **CODE 9** rješenjima ostvarivanje cilja projekta i zadovoljstvo korisnika dolazi na prvo mjesto. Našu firmu pokreću inovativni i energični mladi ljudi čije ideje i različite perspektive u sagledavanju problema pojednostavljaju i višestruko ubrzavaju čitav proces i ukupnu realizaciju projekta.

I možda najvažnije, koncept razvijanja svog softvera i svih rješenja je takav da je **CODE 9** u mogućnosti da svojim klijentima uradi sva potrebna prilagođenja i eventualna proširenja aplikacija. Također i da pruži vrhunsku uslugu podrške i održavanja, svakako kritične komponente u funkcionisanju svakog informacionog sistema.

www.code9.ba



Kako radimo projekte?

Standardni informacioni sistem, na zahtjev korisnika, započinjemo na osnovu sistemске analize potreba i traženih funkcionalnosti. Ta sistemска analiza se sastoji od više specijalizovanih modula, sa mnogim funkcijama koje obezbjeđuju intuitivno i lagano korištenje aplikacije, prilagođen klijentovom poznavanju rada platforme (ili više njih) na kojima se razvija idejno rješenje.

Svim našim korisnicima smo obezbijedili mogućnost besplatnog automatskog ažuriranja naših programskih paketa preko Interneta, onog momenta kada se objavi nova revizija. Također razvijamo i niz planova saradnje u toku i poslije prve godine korištenja našeg softvera.

Poseban akcenat stavljamo na to kako da lako, brzo i sigurno arhivirate dokumentaciju. Možete jednostavno da prilagodite radno okruženje dokumenta koga obrađujete, da dokumentaciju prebacite u elektronsku formu, skenirate postojeću dokumentaciju i arhivirate na vašoj lokalnoj mreži računara, u bazi podataka, zaštićenu originalnim sistemom kriptо-zaštite, a kasnije da je izuzetno efikasno i jednostavno pretražujete, izdvajajući na taj način samo dokumentaciju koja odgovara zadatom uslovu.

Uz sve pogodnosti koje dolaze s našim sistemom, **CODE 9** nudi Vam i uvid u osnovne funkcionalnosti koje su sadržane kako u modulu namijenjenom za klupske turnire, tako i u modulu koji je namijenjen za otvorene šahovske turnire uz naglašene i različitosti između dva navedena. Ponuđene su sljedeće mogućnosti:

Prilikom pristupa sistemu korisniku je omogućena **prijava na sistem** sa ciljem definisanja i uređivanja novog turnira, pregleda rezultata turnira koji su prošli i pregleda rang listi. Prilikom definisanja novog turnira korisniku je omogućen **unos i izmjena podataka o takmičarima**, te **odabira vremena trajanja turnira**. Preko našeg sistema omogućena je **prijava takmičara za turnir** kao i **otkazivanje prijave** u slučaju bilo kakvih nepredviđenih situacija. Sistem omogućava i **kontrolu naplate takmičarske kotizacije** i **pregled registrovanih takmičara**. U procesu definisanja novog turnira korisnik ima i mogućnost **definisanja tipa uparivanja takmičara**, to jeste sistema rangiranja što zapravo predstavlja i najljepšu notu našeg proizvoda obzirom da je samim izborom sistema rangiranja korisnik razriješen apsolutno svake brige o daljem toku samog takmičenja. Nakon tog izbora sistem generiše raspored i pruža izvještaj o **dnevnom rasporedu mečeva**. Korisniku je također omogućen i **unos rezultata mečeva**, na osnovu kojih sistem pruža **izvještaj o rezultatima mečeva** i **izvještaj o rezultatima turnira** te **finalnom poretку takmičara**.



Ukoliko se radi o turnirima otvorenog tipa dodatne funkcionalnosti koje sistem pruža prilikom kreiranja novog turnira su **unos i izmjena podataka o klubovima** koji učestvuju na turniru i **izvještaj o poretku klubova** prilikom završetka takmičenja.

Stoga, korištenjem sistema koji Vam nudimo, postižu se mnogobrojne prednosti:

- Jednostavnost upotrebe, prikladno čak i korisnicima sa niskim stepenom informatičke edukacije
- Brz i jednostavan dolazak do svih podataka relevantnih za šahovski turnir
- Detaljna dokumentacija koja olakšava pregled i dostupnost podataka
- Automatizacija procesa prijave na turnir, kao i kontrole naplate
- Kvalitetno i funkcionalno softversko rješenje
- Vizualizacija podataka koja nudi širok spektar prikaza podataka pomoću različitih dijagrama
- Skalabilnost sistema i povećan nivo sigurnosti
- Efikasnost i isplativost – smanjenje utroška vremena je direktno proporcionalno smanjenju novčanih sredstava

CODE-9

ZAŠTO CODE 9?

Za nas, kao uspješnu firmu koja se bavi razvojem softverskih rješenja, od najveće važnosti je da naši klijenti budu zadovoljni i da dobiju više od onog što su tražili. Naša garancija su i uspješna poslovanja sa mnogim velikim firmama, kao što su Merkur osiguranje, Fabrika Duhana Sarajevo, Auto-moto savez Bosne i Hercegovine, te mnogi drugi. Povjerenje nije nešto što klijenti serviraju na tacni, ali nije ni nešto što naša firma želi da izgubi kada jednom stekne, pa svakom individualnom klijentu pristupamo s najvećom pažnjom.



Također, imamo iskustva u izradi softverskih rješenja za brojne sportske događaje međunarodnog karaktera, kao što su organizovanja teniskih turnira, fudbalskih takmičenja i sl.



Naš tim čini skupina mladih inženjera koji su u svakom trenutku spremni i sposobni da odgovore izazovima koje klijenti postavljaju pred njih.

Ono što bismo naglasili jeste da je našoj kompaniji itekako stalo do povratnih informacija naših klijenata i zahvaljujući tim informacijama, mi se prilagođavamo potrebama klijenata te ispunjavamo sve njihove zahtjeve na obostrano zadovoljstvo. Našim klijentima nudimo uvid u vrhunski kvalitet na lokalnom, regionalnom i svjetskom nivou. Kao autoriteti u svojim oblastima, mnogi naši stručnjaci su članovi su međunarodnih odbora koji kreiraju nove prakse u pogledu međunarodnih standarda.

PONUĐA

Sistem koji Vam nudi **CODE 9** za potrebe organiziranja šahovskih turnira osmišljen je da se za veoma kratko vrijeme može uklopiti u različita okruženja. Svojom jednostavnošću omogućava i onim slabije računarski educiranim korisnicima uspješan rad u toku samog toka kako organizacije tako i trajanja turnira.

U ovoj ponudi naša kompanija uvjerava Vas da je za apsolutno ispravno funkcioniranje sistema prilagođeno Vašim potrebama na procese dizajniranja te implementacije sistema potrebno utrošiti 90 dana počevši sa 18.03.2015. godine.

Stvarna cijena našeg proizvoda uz pomenuta vremenska ograničenja iznosi **10.500 KM** (deset hiljada i pet stotina konvertibilnih maraka) uz garantni rok od 3 (tri) godine na softverska servisiranja. Uz usluge servisa u cijenu su uračunati proizvod, kompletna dokumentacija, PDV, kao i sve dadžbine.

Eventualna nadogradnja sistema moguća je uz novi ugovor, te ne ulazi u cijenu pomenutu u ovoj ponudi.



KONTAKTIRAJTE NAS

Ulica Zmaja od Bosne b.b.
71000, Sarajevo, Bosna i Hercegovina
(+387) 33 100-100 tel
(+387) 33 100-101 fax
www.code9.ba